



西北紀行雜詠

京華印書館刊印


155



MA  
I226.7  
9

# 西北紀行雜詠

周鍾嶽題



3 2173 9135 2

序

中國西北文化早啓實爲人物殷賑之區惟邊境屢經繹騷  
又有旱潦流沙爲患地方凋敝浸成瘠區近世言籌邊者類  
多重視更化善治亦欣欣有向榮之機自新縣制實施以來  
益銳意釐整地方行政粲然可觀施樞次長於今夏巡視西  
北經時四月有半遍歷甘肅青海寧夏陝西及四川西康各  
省既詳述地方治績以爲報政之資復於各地文物聲名山  
川風土車塵所及發爲詩歌其勤政恤民之思時時流露於

楮墨詩小雅皇華篇云載馳載驅周爰咨諏蓋於此可以窺  
作者之襟期而非第流連風景而已

中華民國二十一年十一月周鍾嶽識於內政部

西北紀行雜詠

滇南張維翰純樞



余以民國二十一年夏奉命視察西北暨川康諸省地方自治及一般內務行政爰于七月十四日航空先抵蘭州易車沿甘新公路巡河西出嘉峪關至于敦煌仍循原路回蘭州赴青海轉歷隴南隴東出蕭關至寧夏折經平涼入陝歷關中東至潼關復返西安至寶雞沿川陝公路過大散關歷陝南入劍門歷川北川西乃至

西康之雅安天全復回成都沿成渝公路按縣視察十

一月二十九日歸抵任所此行也爲時四月有半經萬

餘公里視察凡八十六市縣課政之餘嘗就經過地名  
與觀感所及率爲短什歸而輯之得百六十首

觀政先從塞上行臬蘭山色望中生飛槎頓入清涼界趁得  
長空萬里晴

望河樓上晚風清萬戶燈光照眼明兩載宣勤弘治績已看

佳氣滿金城

谷紀常主席招宴望河樓

明藩故邸開新府左相遺風緬舊猷欲化荒郊成綠野疏泉  
種柳賣綢繆

四野黃塵此綠天崇樓縹緲與雲連清流環匝成幽境賴有

標桃穎湖泉

五泉山

塞上高寒無暑蒸偏生瓜實滿沙塵香於旨酒碧於玉快鬪

清心勝飲冰

辟風

皋蘭杏子大如桃暈紫含芳膩若膏滑齒渾疑啖軟柿晶瑩

肌理不勝刀

榆中山寺拜成陵往事無端感廢興  
蓋世英雄能幾輩秦皇漢武未堪稱

流沙千里路迢迢初發河西問俗軺  
漢郡宏規開博望臨邊按拊敢辭勞

垂垂麥穗滿秋塍款款輕車入永登  
驛舍披圖稽齒籍山城欲雨暮煙凝

烏梢嶺上曉雲涼越險衝泥到古浪  
市井凋殘紛瓦礫劫餘小縣似窮鄉



物阜民殷歲有秋武威大邑古涼州十年力役殊憔悴勞止  
今當賦小休

吾鄉舊邑有金齒異地同名兩永昌塞北天南俱阜盛怒江  
西畔感滄桑

仙堤碧樹映山丹學子絃歌校宇寬白髮獨憐老縣尉衰年  
抱簿歎才難

塞外江南久習聞連阡穰稔信如雲富饒莫詡金張掖民俗  
還須勵儉勤

天工巧戲行沙客故作蜃樓映水碧失喜求漿臨澤邊眼前  
幻境空無迹

驕陽如炙憩高台午睡須臾倦眼開館舍寬閒無寸草榆槐  
正待滿庭栽

沙平如海浩無邊風捲黃塵欲接天竟日飈車橫大漠蜿蜒  
千里看祁連

且喜豪遊到酒泉滌園有句壯行邊泉香酒美堪陶醉更讀

鬢翁六字篇

明代巖扃嘉峪關關西棄壤已珠還登樓極目臨蒼莽此去  
行沙路倍艱

漢紀會聞志石脂天留厚蓋待今時祁連山下源無盡發軌

雲程撈瀾厄

玉月仙韻

南山積雪映朝暾淑氣迎人抵玉門喜見閭閻知禮讓施誠  
猶有古風存

穆穆紅柳綴新黃皚皚晴沙萬馬蹄一自伊涼通軌轍慙慙

縮紐在安西

天開沃壤惠敦煌戈壁巖中魚米鄉繞郭田園如續錯十集  
流水稻花香

繕甲屯田壯義潮暮年乞疏有班超玉門關內春風暖到處  
青光上柳條

龍堆崩芳感人文闕索風流尙友殷更有伯英稱草聖我來  
望古挹清芬

阿堵嚴莊蹟尙新莫高佛窟覓符秦補牢今日猶非晚莫任  
家珍更付人

丹青絕藝推唐代  
暉事增華有宋元  
疑覩長康金粟影  
人天淨土妙難論

渥洼池上聽沙鳴  
象月宜教天馬生  
此夕冰輪澄止水  
清輝會照漢家營

今日陽關非絕域  
誰言萬里少行人  
我來且自天南極  
塞外看山意倍親

輕車西去復東旋  
半月行蹤路幾千  
大雨時行知夏盡  
涼風已報早秋天

賈勇褰裳涉浪行危巖脫險轉心驚驛亭幸有容身處兀坐  
終宵聽雨聲

風雨縱橫跨革囊濤翻浪湧濕征裝若非積潦妨歸路安得

黃流百里航

由河口乘羊皮筏至蘆州

入疆首邑過民和一路溪山霽色多祇惜通達仍險絕老鴉  
吹上有危坡

空車猶自賴人扶穩度崎嶇到樂都一路清風拂翠柳牛羊  
茁壯瞰平蕪

夕陽欲下近郊垌，湟水沄沄照眼青。  
微警滅明煙樹裏，萬家燈火是西寧。

並時趙李俱名族，西狹摩崖世早傳。  
碾伯一碑新出土，後先

相距已千年。

漢光和二年趙寬碑近在樂都縣出土

一片貞珉今尙存，浩亶趙掾翁孫孫。  
書風不異熹平石，大似

中郎蔡虎賁。

輝煌富麗塔兒寺，僧侶如雲信大觀。  
千百壯夫甘坐食，逃空

徒自倚旃檀。

濯日旌旗滿市街家家餅卉供益栽羣情怵舞軍容盛齊待

元戎羽節來

時

委員長莊公將蒞青地親

左右清流映急湍陰陰萬木夏生寒大通城外園林好攝景

眞堪作畫看

三日勾留視會垣巡鄉取次上滄源地高竟有寒冬意吹律

期同黍谷溫

省縣區鄉各有林十年樹木已森森葱蘢直欲青城海勸課

栽培見苦心



自治規模已植基徐臻上理應無疑邊陲信有才難歎文教  
單歎未可遲

力穡都爲自有田歲雖一穫亦豐年獨憐多少勞心者清苦  
還須益俸錢

歸途又阻馬迴坡斷岸千尋可奈何半日經營成絕棧陟危  
幸許一車過

已過險境仍難行坦道淪爲數壑橫投宿荒村鷄犬寂新秋  
夜月一窗明

又出榆中過定西泉蘭回首夕陽低華家嶺下居停好留話  
桑麻月滿畦

通渭城邊水草深郊原處處響秋砧農村生計資毛績日向  
街頭市萬金

山城雉堞抱岡巒密繞郭煙村萬木攢路轉溪迴凌絕巘時從  
高處瞰秦安

秦州舊郡今天水探勝吾嫌度隴遲最愛山頭南郭寺神遊  
早誦杜陵詩

城北卦臺餘故基城中緯楔壯崇祠此邦典獻由來古一畫  
開天自伏羲

石馬秋風鬱古墳城南來弔李將軍數奇未遂侯封願留得  
豐碑向夕曛

亭館清閒水月寺檐前高柳半天青新秋景物如初夏日曉  
黃鸝枕上聽

華嶺重過路轉東靜寧隆德一車通隴干民俗勤耕牧賦役  
無虧慶歲豐

山徑紆縈繞六盤寒風凜冽怯衣單蒼茫暮色三關口回首  
葱蘢望翠巒

匆匆信宿駐平涼道出蕭關向朔方此日固原仍重鎮闐牆  
禦侮幸無忘

故里蟻川訪石涼南徐馬鬣拜崇封今過總制二邊地節署

成墟賸廢鐘

固原訪鄭先達揚文讓公遺蹟

秋風秋雨滯征程一路溽泥過七營茅舍孤燈李旺堡深宵  
不寐聽駝鳴

夾道垂楊十里青  
水田繞郭起飛翎  
中寧地沃宜甘杞  
朱粒家家曝野亭

金積堡前沙水鳴  
會傳宋夏此塵兵  
前朝近事猶堪記  
百戰營城禍始平

黃流一峽鎖青銅  
秦漢分渠託禹功  
此水稱爲天下惠  
朔方沾惠獨無窮

佳氣葱葱滿夏州  
十年生聚紹先猷  
經田籍戶俱先務  
喜見

良規著遠陬

馬少雲主藩儲其先德治寧夏十餘年地政戶籍尤著宏效

竟駕長車抵賀蘭置身高處一憑欄赫連元昊俱塵土千載  
邊功景范韓

陰山潛璞世爭傳硯出賀蘭絕潤堅一脈崑崙珍片玉毫端

光澤自勻圓

陰山賀蘭皆出崑崙山系賀蘭石製硯絕佳晉  
傅玄硯賦探陰山之潛璞疑即指此

首邑賀蘭次永寧東西分治在郊坰衙齋猶待新營建權借

琳宮作縣廳

中興事業憶汾陽靈武軍威振李唐曾是肅宗登極地尙留

荒堵咽寒螿

靈州巨鎮吳忠堡大厦雲連儲綺羅市易不緣茶馬盛珍奇  
還讓舶來多

中秋夜宿同心城朔漠高寒天宇清月自團樂人兩地蜀山  
遠望不勝情

北地南旋又隨東征塵暫憩倚崆峒五臺積翠峯峯秀紅葉  
霜酣萬樹楓

此日愴然物外情入山頓覺此心清無營便是長生訣奧義  
何須問廣成

涇水澄明百丈湫  
筭頭山下認源頭  
出山爭向高陵去  
竟把清流變濁流

大好金甌忍自殘  
慶陽半已蝕延安  
西峯鎮外秋笳急  
馮虎難馴事可歎

涇川長武境相隣  
地域由茲判隴秦  
甌脫飛嵌妨治理  
息紛首在負擔勻

隰原高下古邠州  
婦織男耕俗未偷  
九月授衣知有褐  
幽風

雅化頌公劉



監軍鎮上營新治地位適中勝舊城從此憑高臻險固宜教  
永壽副嘉名

百里乾州過醴泉昭陵遙望九峩巔不竊金玉誠堪法真本  
蘭亭奈獨專

神駿攘吾颯露紫盜車並載拳毛騮樓船指日橫二島重取  
龍媒入漢家

山南水北是咸陽曾作嬴秦舊帝鄉一角荒城臨古渡寒鴉  
萬點亂堤楊

畢原西上碧層層  
萃嶽橫宮淑氣蒸  
樹木樹人俱得地  
林林總總繞周陵

漢唐文物盛西京  
第宅王侯幾度更  
關輔今仍居綰轅  
方轅接軫貫縱橫

城南高塔慈恩寺  
晴日登臨豁遠眸  
依舊秦川平似掌  
河聲雁影一天秋

爲防鐵翼日相侵  
瓌寶封藏築土深  
列屋貞珉成巨堵  
此來空自入瑤林

玄灞溶溶鬱柳條  
年年攀折客魂銷  
驪歌一曲情無盡  
多少  
征人度此橋

首邑遷鄉遠市閭  
田間生活轉舒徐  
米薪果已騰珠桂  
處處  
長安不易居

如林帶雨滿潼關  
絕歎吾民耐苦艱  
廬舍爲墟棲土窟  
忍飢  
輸餉不曾慳

七載嚴營夜枕戈  
相望一水拒強倭  
成城衆志堅於鐵  
天塹  
甯容賊渡河

輕車載月返華陰曠野徐行夜色侵天外二峯青在望偷閒  
準擬一登臨

乘風幾度過長安嶽頂曾從雲外看終覺看山須入裏窮幽  
今始躡高寒

青柯坪上引長繩磴道懸空取次升路入雲臺臨絕壑一聲  
長嘯衆山騰

雲臺北倚白雲峯南望二峯紫翠濃仙掌高擎如召客朝來  
赴約跨蒼龍

登高偏巧逢重九喜共彭蠡入太華豈意萬方多難日金天

來就傲霜花

同聲有彭程頤長

原期小憩上層巒夜聽松濤夢可安何事連宵仍不寐欲將

睡法問陳搏

山蓀亭下訪希夷老樹無憂鬱古祠柿葉垂簷紅夕照玉泉

淪茗快心脾

遊眺元知非急務江山勝概總關情漫尋五嶽甯辭遠來歲

南行更入衡

每經郡邑輒停車鄭縣虛亭倚少華雲斷岳蓮懷杜老城南

青竹萬竿斜

鄭縣城在少華山麓卽今華縣

渭南氣煥最宜棉衣被千家待懋遷何事年來翻減緡人謀

未善不關天

陝棉以徵購價低產量銳減

臨潼小住浴華清玉液徵瑩一鑑明溫潤誠能消百疾自憐

瘦骨總經經

驪山高處石嶙峋絕險曾全砥柱身正氣不撓安反側中興

運啓萬方春

敬題復與石

大節稜稜黜異圖七年神武震寰區山容從此亦生色一洗

周秦唐代汚

華胥古國訪藍田更得尋幽向輞川八里城南初入谷清流

仄徑幾迴旋

翠嶺行過三里廬豁然開朗見田園青山碧水多紅樹簌簌

成羣白鳥翻

關上一村卽孟城居人猶識舊時名崔裴故墅同荒草墟里

孤煙落照明

投宿西杆日已沉寒山遠火透疎林村春巷犬聲相間雁度  
霜天月滿岑

杖策朝遊錫水洞蒸藜午飯白家坪溪山一路眞如畫馬踏  
滑灘玉有聲

花發爲春葉落秋山人似葛天儔終年祇解勤耕織擊壤  
而歌鼓腹游

鹿苑塔墳俱已荒尙餘文杏未栽梁綸漣一水空千載誰更  
來尋華子岡



此中深趣右丞知清妙天機在自期空鎖柴門緣底事松筠  
應笑入山遲

興平城北五雲騰匹馬西風訪茂陵大野茫茫殘照裏秋高  
木落見山棱

隆然衛霍雙高塚一象祁連一象盧並世邊功徵不朽長留  
石馬鎮匈奴

古縣陳倉新市闐一城抱水更環山聞鷄夜宿斯飛閣策馬  
朝臨大散關

柴關嶺上看雲橫紫柏山中聽水聲千載水流雲自在山靈  
應亦笑韓彭

志士難忘是國仇佐劉原不爲封侯功成便棄人間事尋得  
去松物外遊

望瀾孤城如斗大山高水激未宜農廟臺獨有田千畝舉縣  
糧儲半此供

昔憑棧道接褒斜今闢長途駛萬車半日沿溪行宛轉沾衣  
嵐翠出谿澗

連雲古棧盡褒城舊縣新猷漸有聲勿謂民情多翫愒令行  
祇在長官清

石門近在北郊峒漢魏摩崖舊勒銘寄語五丁多力士休將  
古碣當新硯

南來草木鬱青葱過嶺風光竟不同冬水平田寒霧重漢中  
渾似在巴中

如林校宇開城固一望菁莪千萬樹西域方需拓墾才景行  
近有張騫墓

沔縣營城自鄼侯孔明祠廟並千秋定軍山下人爭拜雙桂  
參天土一邱

西秦邊境暨寧強詰曰南行過蜀疆蜀棧元同秦棧險極天  
鳥道化康莊

千佛何辜近道旁  
斷頭斷肢事堪傷  
保存古物關文數  
石刻留傳自有唐

蜀北襟喉入廣元  
紛然市井厭羣喧  
太阿付與強梁手  
厚俗

安民詎可論

紫梨甜脆潤含漿  
早出蒼溪勝浴陽  
會向上林誇絕品  
左思  
孫楚枉平章

天下雄奇有劍門  
嶙峋拔地獨稱尊  
諸峯排列如環侍  
壁立  
曾無斧鑿痕

鑿石排空開劍閣  
武侯相蜀多奇略  
萬夫莫敵怒臨關  
拒魏  
猶傳姜伯約

古柏千章一望碧  
梓潼道上走山脊  
桓侯義勇野農知  
樹木  
長爲人愛惜

長吏巡區自督糧  
令丞報政集虛堂  
綿陽一水環諸邑  
築堰功成慶歲穰

羅江清淺路盤紆  
落鳳坡前弔鳳雛  
雜漢業未成身已歿  
臥龍應亦感才孤

翠色亭亭下鹿頭  
德陽南去瞰平疇  
北來險阻從茲盡  
杜老詩情亦轉柔

廣漢民殷著蜀西  
桑麻遍野樹成蹊  
邈來遷客多流寓  
鶉借一枝信可栖

舊遊今又到新鄣薄暮無由訪桂湖  
悵望千秋人宛在碧曉

有社未荒蕪

弔翁升菴先生

千里漫漫沃野平披星夜入錦官城  
南來便覺心清潤纍纍

丹黃見橘橙

廿八年前簪筆地城闔已改去時顏  
而今錦里翻年少倦客

重來鬢已斑

溫江大鎮有蘇坡儀器精良制作多  
郭璞才淹弘爾雅更便

學子普研摩

借郭子杰廳長參劄科學儀器展

望帝城邊秋草青  
郫江寒靄接崇寧  
此行若在春三月  
杜宇哀鳴不忍聽

新硎得地試天彭  
孽畫蒼然在力行  
誠拙終能膺上考  
升沈不必問君平

蜀郡從來文教昌  
而今治術更弘揚  
欣看廣廈儲才地  
猶是文翁舊講堂

誰識前王土一坏  
千年陵闕長蒿萊  
撫琴臺下發幽闕  
玉冊

續紛富史材

成都西郊方發掘前蜀王建墓



朝發蓉城喜雅安  
葱龍一路好林巒  
青衣江上尤清絕  
編竹爲橋綠萬竿

十年開府鎮邊圻  
政教相資協事機  
莫謂荒寒生聚少  
穹廬多已告來歸

勤政何須歎地偏  
嘉名要合稱天全  
圖強雪恥關先務  
毒卉難容更蔓延

程期有限未能逾  
前路空望打箭壚  
叱馭曾經九折坂  
豈因險阻憚長途

石蘚斑爛歷漢月孝廉伯仲高君闕罪微雅爾著吟鞭一徑  
蹙蒿尋斷碣

課政琴堂燭影斜深宵吏散靜無諱閒披一卷名山志爐火  
新煎蒙頂茶

妙筆羣推作賦才長卿佳話在邛郫遊人爲訪當壚處都向  
文君井上來

白鶴山前萬綠叢翠屏閣外繞丹楓西巖半日留詩客把酒  
孤亭憶放翁

山重水複望新津  
笠影車聲喚渡頻  
安得長橋資共濟  
去來無阻便行人

江山平遠羨雙流  
景物宜人事事幽  
十五頃田桑八百  
武侯清節至今留

卯雅歸程暫駐鞍  
少城列校鄴公安  
川衡司號俱周制  
今日依然屬地官

上將遺骸葬此宜  
隔墻柏蔭護階墀  
劉家累世思前列  
宰樹猶憐丞相祠

簡陽小住復資陽自治基層在鎮鄉到處停車咨列病規模  
初具戒更張

蕭蕭寒雨拂車窗晚發資中向內江一路青梢眞蔗境疑從  
蘆港駕飛鸞

治城密邇是隆榮休戚相關若弟兄祇惜催科殊未允一方  
賦重一方輕

元龍百尺好居停一榻高懸月照櫺往歲留題塵未掩重來

精舍聽談經

梁昌老友陳漢傳識長留寓其家

蜀南民俗樂耕讀傍水無村無好竹井有鹽泉宅有桑豐年  
多稻復多菽

渝州今夕可東旋日午歸車過永川新令初來諳治術變爲  
報政有長篇

山月隨人下壁山山寒木瘦水潺湲虎溪橋畔賓僚集置酒  
挑燈待我還

五月歸來歲未闌行經萬里犯千盞征裝載得新吟草聊作  
觀風片羽看

一編蕪雜口占成寫景兼爲紀旅桂經過名山都入卷別來  
舊雨倍關情

附錄

西北鹽務局俱樂部落成費君武局長屬題

二邊正筴費深籌億萬軍資克壯猷餘興亦常歌激楚行雲  
高邊古涼州

萃英門外一堂開會我觀光萬里來六藝今尤崇禮樂托揚  
風雅羨多才

爲蘭州農民銀行經理崔叔仙題其畫冊

泉布流通裕隴干才長酌劑甸人歡多君餘事工繅素花鳥  
生機寫露欄

崔丹暈墨染烟蘿崔白披青擅雨荷祖硯克承嫌自局別開  
蹊徑似新羅

張鴻汀叢長以范雨琴爲作敦煌訪古圖索題

拄杖晴沙柳露清鴻汀思古發幽情范寬自是通靈手爲寫

千巖讀佛聲

一編蕪雜口占成寫景兼為紀旅途經過名山都入卷別來  
舊雨倍關情

附錄

西北鹽務局俱樂部落成費君武局長屬題

三邊正筴費深籌億萬軍資克壯猷謀與亦常歌激楚行雲  
高邈古涼州

萃英門外一堂開會我觀光萬里來六藝今尤崇禮樂北牖揚  
風雅表多才



爲蘭州農民銀行經理崔叔仙題其畫冊

泉布流通裕隴干才長酌劑甸人歡多君  
踪事工縑素花鳥  
生機寫露欄


崔丹暈墨染烟蘿崔白披青擅雨荷祖硯克承嫌自局別開  
蹊徑似新羅

張鴻汀叢長以范雨琴爲作致煌訪古圖索題

拄杖晴沙柳露清鴻汀思古發幽情范寬自是通靈手爲寫  
千巖讀佛聲

我亦敦煌訪古回蕭蕭斑馬又相催倚裝更訂重來約攬勝

天山雪映杯



8

2.8